

SA CANTONE 'E S'AMORE

In su prufundu
'e s'anima mia
b'at una cantone
chi sas peraulas
no poden bestire.
Una cantone
intuvonada in su coro,
chi no iscurret
che tinta in pabilu.
Imboligat su sentidu
cun d'unu mantu lèbiu.

A chi-e
l'apo a cantare?
Apo timoria
'e orijas profanas!
Una cantone
isparta dai su silenziu,
ingullida dai su lamentu
e intonada dai sonnios.

Sa cantone 'e s'amore,
pius profumada 'e su gesminu,
pius preziosa 'e su segretu 'e una vergine.
Est su suspiru 'e criadura
cun s'orulu 'e sa tempesta.
Cal'omine
at a cantare
sa cantone mia?...

LA CANZONE DELL'AMORE

Nel profondo del mio spirito / c'è una canzone che le parole / non possono vestire. / Una canzone nascosta nel cuore / che non scorre / come inchiostro sulla carta. / Avvolge il mio sentimento / in un manto lieve.

A chi la canterò? / Temo per lei / la durezza delle orecchie. / Una canzone: / sparsa dal silenzio, / inghiottita dal lamento / e intonata dai sogni.

E' LA CANZONE DELL'AMORE! / Lei è: / più profumata del gelsomino, / più preziosa del segreto di una vergine. / E' il sospiro di un bambino / con l'urlo della tempesta? / Quale uomo canterà la mia canzone?...